

Dienelkander



Nuusbrief van die Gereformeerde Kerk Potchefstroom-Oos

26 Augustus 2018

OGGENDDIENS: Ds. Pieter van der Walt

Tema: Vandag!

Dit gebeur dat ek as gelowige my fokus op Jesus Christus verloor, soos wat dit die geval was by die Hebreër-gelowiges. In die proses word wêrelse dinge belangriker as my navolging van Christus. Dit is wanneer ek my eerste liefde verloor en ander liefdes nesskop in my lewe. In die teksgedeelte hoor ons die oproep tot bekering. Maak 'n regstelling in jou lewe. Wanneer moet ek dit doen? Kyk na die tema van die preek.

Lofsang met die oog op die erediens

Lied 203:1, 2, 3

Ontmoetingsdiens

Intreelied: Ps 31-1: 1, 2, 5 (Tweede melodie); Votum; Seën; Loflied: Ps 150-2: 1, 2; Geloofsbelijdenis: 12 Artikels; Ps 45-1: 1, 16 (Eerste melodie)

Verootmoedigingsdiens

Wet (Eksodus 20); Sing as antwoord op die wet: Sb 12-5; Gebet

Woorddiens

Skriflesing: Hebreërs 3:7-19
Sing: Ps 95-1:4; Woordverkondiging

Antwoorddiens

Gebet; Liefdegawes; Slotsang: Sb 1-2: 1, 2, 3; Wegstuurseën; Amenlied: Sb 13-2.

AANDDIENS: Ds. Pieter van der Walt

Tema: Een hart

Die volk salf vir Dawid as koning sonder 'n enkele vals akkoord. Almal was lojaal aan hulle nuwe koning! Hulle is volkome eensgesind! Hulle is een van hart oor hulle koning.

Hoe dien jy die Here? Met 'n onverdeelde hart, met een hart of dalk met twee? Wat vra die Here van my?

Lofsang met die oog op die erediens

Lied 205: 1, 2

Ontmoetingsdiens

Ps 107-1: 1, 2 (Tweede melodie); Votum; Seën; Loflied: Ps 92-1: 1, 2, 3 (Tweede melodie); Gebed

Woorddiens

Skriflesing: 1 Kronieke 12: 23-40
Sing Ps 111-1:1; Woordverkondiging

Antwoorddiens

Gebet; Liefdegawes; Sing Ps 138-1: 1, 4; Wegstuurseën; Amenlied: Sb 13-2.

MEELEWING

- Salomi Lubbe (Groep 9) is nog steeds in Milpark-hospitaal na die ernstige motorongeluk verlede week. Sy is egter nog nie bewus dat haar seuntjie ook in die ongeluk oorlede is nie, daarom word die begrafnisreëlings tot later uitgestel. Ons

harte en gebede gaan uit na haar.

- Ed Coetsee (Groep 39 – 082 415 4961) het die Achillessening in sy linkervoet geskeur en sterk tuis aan.
- Dirk Lubbe (Groep 19 - 082 771 9245) se skoueroperasie het goed afgeloop.
- Magdaleen Venter (Groep 24 – 082 306 8940) is in Medikliniek vir toetse.
- Miems Labuschagne (Groep 31 – 083 661 9362) was verlede week in 'n motorbotsing betrokke. Sy is gelukkig nie beseer nie, maar haar motor is erg beskadig.
- Lou van Wyk is Donderdag uit ons gemeente begrawe – ons dink spesiaal aan Ina van Wyk (Groep 38 – 076 799 5547).

**Ons bid dat die Here
beterskap/bemoediging en troos sal gee.**

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Andy en Blossom Pretorius, asook Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Marian de Kock (082 950 4358) en Earnest de Vries (082 903 8422)

BAIE GELUK

Ab en Kinnie Yssel (Groep 11 - 082 078 4608) was op 25 Augustus, 62 jaar getroud! Ons dank ons Hemelse Vader dat ons soveel jare vir mekaar gespaar is. Ons deel dit graag met almal wat ons ken!

STERKTE!

Baie sterkte aan ons matrikulante wat die afgelope week reeds met rekord-eksamen begin het!

PROGRAM VAN DIE WEEK

Vandag

09:00 Gebedsgroep
09:30 Oggenddiens
Kleuterbediening
Katkisasie Les 18
Tee en Koffie in die Skuur
18:00 Aanddiens

Maandag

18:00 Kersmark

Dinsdag

18:00 Katkisasie gr 11

Woensdag

09:30 Bybelstudie
17:30 Katkisasie Gr 8 - Jaco Lemmer
17:30 Katkisasie Gr 10 - Herman Stavast
18:30 Gebed en Ondersteuning

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir Trans-Oranje (Streeksinode).
- Vrywillige bydrae vir voertuigsekuriteit in die bussies by die deure.
- Diensbeurte: Groep 14 en 15.

DS PIET LANGVERLOF REËLINGS:

2 Julie - 3 September

1. Pastorale versorging. Ds Pieter van der Walt neem verantwoordelikheid vir die pastorale sorg. Vir tye wat hy moontlik nie beskikbaar is nie, sal die skriba/kerkkantoor pastorale sorg na ander beskikbare predikante verwys. Lidmate moet asb enige pastorale behoefté via hulle groepouderling of die Kerkkantoor onder die kerkraad se aandag bring.
2. Bybelstudies:
 - Die twee-weeklikse Woensdagoggend Bybelstudiegroep sal deur prof Herrie

- van Rooy waargeneem word.
- Die twee-weeklikse Woensdagaand Bybelstudie groep sal op hulle eie voortgaan soos onderling gereël is.
 - Die Klipdrift Bybelstudiegroep sal onder leiding van ouderling Koot van der Walt voortgaan.
3. Weekskatkisasie: Die weeklikse Gr 11 klasse gaan voort soos ds Piet met die katkisante en hulle ouers gereël het. Engela van der Walt (Kinderfeesbediening) en Prof Naas Ferreira neem van die klasse waar.
 4. Die weeklikse Dinsdagoggend 6:00 Mannegroep aan huis van ds Piet sal vir hierdie tydperk nie bymekaar kom nie (die manne kry in elk geval swaar om vroeg in die winterkoue bymekaar te kom).

VERJAARSDAE

Baie geluk aan almal wat DV hierdie week verjaar!

Sondag, 26 Augustus

Sr Estette Bredenkamp 082 865 4381

Maandag, 27 Augustus

Sr Stephanie Bredenhann	082 257 1350
Sr Miems Kruger (79)	084 736 9024
Br Barend Pretorius	083 293 3074
Br Hendrico v Rooyen	073 909 9296
Sr Meisie v Wyk (73)	082 491 2922
Br Marius Vermeulen	079 876 2993

Dinsdag, 28 Augustus

Sr Annari Schutte 082 868 9739

Woensdag, 29 Augustus

Br Bert Floor (95) 083 388 1250

Donderdag, 30 Augustus

Sr Engela Kruger	071 484 1068
Jsr Elma vd Schyff	083 563 6441

Vrydag, 31 Augustus

Jacque du Plessis	082 879 4502
Sr Antoinette Fouché	082 328 1739
Sr Wilna Stavast	081 271 0493

Saterdag, 1 September

Br Nico Alberts	082 444 4893
Br Theo Coetzee	083 538 3162
Br Aldru Opperman	083 280 7595
Jsr Anke v Jaarsveld	

DIAKONIE

Lieve gemeente, die Diakonie se finansies bly onder groot druk omdat daar op 'n gereelde basis groot behoeftes in ons gemeente is waarna hulle omsien.

Ons rig daarom 'n ernstige beroep om lidmate aan te spoor om vir die Diakonie finansieël by te dra.

DIE VLAMVAT-PROJEK: TWEE DINGE OM TE ONTHOU

Ons het nou al baie keer vertel en geskryf oor ons Vlamvat-projek, wat baie goed vorm aanneem. Hier is nog twee dinge vir u aandag:

1. Ons het 'n **brosjuretjie** saamgestel met agtergrond oor die projek en ook 'n kort uiteensetting oor die verskillende projekte in ons **strategiese plan** wat ons wil aanpak. Daar lê van die brosjures op die kas bo-op die kluis in die portaal. Vat gerus een daarvan en bring uself op hoogte van die mooi dinge wat beoog word.
2. 'n Baie mooi geleentheid word beplan vir **Saterdag, 15 September** in ons kerksaal en u word almal hartlik daarhaan uitgenooi (dit duur van **08:30 tot 15:30**). Dit is die **Geestelike Fondasies Dagseminaar** wat telkens by kerke aangebied word as deel van die Vlamvat-projek. Ds. Richard Verreyne, wat ons hierin begelei en met wie ons al 'n hartlike band opgebou het, bied dit aan. Daar is sessies oor:
 - Gesonde Gemeente – Lewe en Oorvloed
 - Christus ons Alles in Alles
 - God bo Alles ons Passie!
 - Verstaan Genade! Bou op Genade!

- Christen en Gemeente

Die beplanning is voorlopig dat ons Nagmaalete vervang word met 'n vleisbraai die middag na die afloop van die dag se program. Ons sal u nog verder op hoogte hou van die beplanning. Maak solank 'n knoop in u oor vir die datum.

VLAMVAT: HOËRSKOOLJEUG

Binne ons kerk se Vlamvatstrategie verdien die hoërskooljeug net so 'n belangrike plek soos al die ander bedieningsgroepe. Die hoërskooljeug is op 'n belangrike fase in hulle geloofslewe waar ons as gemeente saam, hulle moet intrek, aktiveer en deel moet maak van ons totale geloofsbestaan as 'n gemeente. Die saak gaan nie halsoorkop aangepak word nie. Daar gaan ernstig gebed, besin, gedink, gepraat en geluister word - veral geluister word na ons hoërskooljeug self - alvorens ons hier 'n strategie gaan formuleer en implimenteer.

Daar is reeds 'n kerngroep lidmate wat aangedui het dat hulle by hierdie bediening diensbaar wil wees, maar ons benodig nog broers en susters om saam met ons die pad te stap. Hiermee dus 'n oop uitnodiging aan alle lidmate wat graag ook hierby betrokke wil raak en bydraes en insette wil lewer. U is meer as welkom. Kontak gerus vir Chris de Bruyn by 082 855 7962

"VLAMVATSPAN VIR NASKOOLSE JONGMENSE"

As deel van ons kerk se Vlamvatstrategie moet ons weer besin oor die bediening van naskoolse jongmense. Hiervoor het ons 'n span van 5 lede bymekaar getrek om ons in die proses te lei. Oor die volgende klompie maande gaan ons saam bid, luister, dink en ontdek waarheen die Here oppad is met ons kerk en haar jongmense. Ons wil dit afskop deur die bediening aan jongmense in GK Potch-Oos te evalueer. Ons wil graag leer by

ander gelowiges en kerke. Ons wil saam ontdek hoe om jongmense in ons gemeente en gemeenskap op 'n volhoubare, skrifgetroue, maar tog relevante manier te bedien.

Vir die volgende paar weke stel ons ons oë en ore in om vas te stel wat die goeie én die minder goeie aspekte van jongmensbediening in ons gemeente is. Bid dat ons as gemeente eerlik sal besin hieroor en die geleenthede en die uitdagings sal raak sien. Wil u graag meer hieroor uitvind? Kontak gerus vir Hanno van Schaik 072 105 3961

PASTORALE BERADINGSKURSUS – SATERDAG, 1 SEPTEMBER

Het jy al magteloos gevoel om aan iemand die regte woorde te sê as hul deur beproewings gaan? Dalk wil jy meer toegerus wees om 'n familielid of vriend/in te bemoedig!

'n Pastorale kursus word aangebied op **Saterdag 1 September 2018 van 08:30 tot 12:30 te Potchefstroom-Oos onder leiding van Prof Wentzel Coetzer van die PUK. Almal welkom!**

Die volgende onderwerpe word aangeraak:

Begeleiding rondom trauma, krisisse, beproeing en emosionele verwonding by kinders en volwassenes, asook Treurberading (wanneer iemand geliefdes aan die dood afgegee het) en verlies oor die algemeen.

Daar sal tee en 'n ligte middagete wees. Skryf asb jou naam op sodat ons kan weet hoeveel mense stel belang.

Kontak diaken: Mariska van der Walt (084 506 6214) as jy meer wil weet.

DANKBAARHEIDSFEES

Liefste gemeente kom vier weer saam met ons fees om ons dankbaarheid te bewys op

Vrydag die **26 Oktober 2018**.

Dis in die vorm van 'n skaapbraai!

Almal word hartlik na die fees uit genooi!

(Jul kan natuurlik geld, bykosse en 'n skapie skenk of dalk het jy 'n spitbraai vir ons om te leen.)

Dit is noodsaaklik om die korrekte getalle te kry dus, skryf jou naam op om te verseker jy kry ook 'n lekker sappige stukkie gebraaide skaapvleis! Daar sal 'n vorm wees in die portaal!

Kontak diaken: Riaan van der Walt (082 784 9215)

BYBELVERSPREIDINGS-PROJEK

Die Bybelverspreidings-projek het in totaal R4280-40 opgelewer wat via die Adminburo direk aan Bibles for Believers oorbetaal is. Baie dankie vir almal wat bygedra het.

BAIE DANKIE

Baie dankie vir almal se liefde en ondersteuning in die afgelope tyd aan my en my kinders. Ons waardeer dit opreg!

Carina Coetsee en kinders

KENNISGEWINGBORD

- "Breadtags for Wheelchairs"
- Gereformeerde Kerk Potchefstroom: Creation Ministries: 9 Sept. 2018
- Franfort Riviertoer

BEROEPE NUUS

BEROEPE ONTVANG

- Ds W Jobse (Wilhan) van Jeffreysbaai na Kemptonpark.
- Ds TJ Moletsane (Jeremia) van Sanveld na Zamdela, Boipatong, Sharpeville en Sebokeng.

BEROEPE AANVAAR

- Ds AB van der Walt (Braam) van Lichtenburg na Eden.

BEROEPE BEDANK

- Ds FJ van Rensburg (Frikkie) van Rustenburg-Noordoos na Kemptonpark.

ALGEMENE INLIGTING

• WOW-HERWINNINGS PROJEK (WEN ONS WêRELD)

Papier, plastiek, karton, glas, blikkies en polystyrene - *hoef nie gesorteer te wees nie, herwinningsitems moet wel in plastieksakke toegebond wees. ASB GEEN huisafval nie!* Die glas/blikkies/plastiek moet asb uitgespoel wees.

• LIEFDEGAWES VIR BARMHARTIGHEID (DIAKONIE) ZAPPER

(Selfoon toepassing)

Hierdie QR-simboolkode is gekoppel aan die Diakonie se rekening en **slegs bydraes vir Barmhartigheid** kan

daarmee gemaak word - geen ander betalings aan die Diakonie of kerkraad nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>



KONTAKBESONDERHEDE: PREDIKANT, HULPDIENS & KANTOOR

Hulpdiens:

Ds. Pieter vd Walt: 082 851 3637 en prof.

Herrie v Rooy: 083 700 3933

Skriba: Frans du Preez 082 834 2120

Kerkkantoor: Adele 018 290 7690

Kosterspaar: Johan 061 336 7255 en

Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Johanna Venter en groep 3, Elmien Halgryn en groep 12, Cornè Geyer en groep 22, asook Annetjie Vermeulen en groep 32.

Volgende week skink Lorette Bester en groep 4, Ria Robberts en groep 13, Nelleke du Toit en groep 24, asook Carina Smits en groep 33 se susters, tee. *Baie dankie julle!*

ONS HULDE

Lieve susters, meeste van die bejaardes in Ons Hulde kry baie swaar. Hulle benodig skenkings van 2L roomysbakke (vir hul medikasie/badkamerbenodigdhede), asook persoonlike items soos seep, tandepasta, ens. Skenkings is vrywillig en kan by die kerkkantoor ingehandig word.



SUSTERSBYDRAE

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

DERDE KWARTAAL

DATUM	DAG	TYD	WIE	WAT
Jul-Aug	-	-	Almal	Cansaprojek
09-Sep	Sondag	19:00	Blok C	Ouderlingverversings
15-Sep	Saterdag	16:00	Blok A	Nagmaalete

OOSDOPPERTJIES

Jes. 43:1b "Ek het jou op jou naam geroep, jy is myne."

HOËRSKOOLENG

Hoërskooleng word uitgenooi deur die jeug van NG-Grimbeekpark om Sondaemiddae saam Frisbee te speel.

Dit is 15:00 elke Sondag by hul kerk op die gras. Dogters en seuns is welkom.



OORGawe

Anton het in 'n boom geklim, maar gegly en aan 'n tak vasgegryp. Hy was só hoog in die boom op, dat sy pa halfpad teen die boom moes opklim om by hom te kom. Sy pa het gesê hy moet sy hand gryp, maar Anton was bang, want dit sou beteken dat hy die tak moes los.

Soms voel jy ook so in jou lewe. Wanneer jy God se hulp nodig het, moet jy na Hom toe uitreik, maar dit beteken dat jy dan alles moet los wat jou daarvan weerhou om volkome op God te vertrou. Anton het sy pa vertrou en hulle het albei die grond veilig bereik. As jy God vertrou, sal jy ook veilig wees.



BAIE DANKIE AAN ONS BORG VAN DIE WEEK!



ONS SPESIALISEER IN DIE VOLGENDE:

- Fyngebak
- Pasteie
- Koekies
- Beskuit
- Terte
- Kruie
- Speserye
- Bakbestanddele
- S.A. Droëvrugte
- Verpakkingsmateriaal

"Ons bak met passie"

Gouwsstraat 7 Potchefstroom

Tel : (018) 294 4271

Ontbinding van die Gereformeerde Kerk Potchefstroom Mooirivier en inskakeling by die Gereformeerde Kerk Potchefstroom-Oos

Die GK Potchefstroom Mooirivier (MR) het tot die slotsom gekom dat hulle vanweë die ouderdomsprofiel van die gemeente (gemiddelde ouerdom is 67jr); lae lidmaat getalle (tans ongeveer 75 lidmate en slegs enkele dooplidmate en 1 katkisant); tekort aan ampsdraers, en die gepaardgaande finansiële druk nie langer as gemeente kan voortbestaan nie, en derhalwe besluit het om as gemeente te ontbind.

MR het op 17 Julie 2018 'n versoek gerig om met GK Potchefstroom-Oos (PO) gesprek te voer rakende moontlike aansluiting na ontbinding. MR het meegedeel dat hulle ook met ander gemeentes gesprek gevoer het, maar spesifiek besluit het om by PO aan te sluit omrede die gemeentes se bedieningsstyle ooreenstem. Intussen het ds Koos Mouton met instemming van die klassis op 29 Julie 2018 emeritaat ontvang.

Die kerkraad van PO het 'n kommissie aangewys en verskeie gesprekke is met MR se kommissie gevoer. Daar is drie sake wat tydens gesprekke verreken moes word. Die ontvangende gemeente moet: (a) die bates oorneem, (b) die emeritus leraar eervol versorg en (c) MR lidmate wat vrywillig sou verkieks om by PO in te skakel, met attestaat verwelkom.

PO het geoordeel dat die huidige MR fasiliteite baie oud en funksioneel beperkend is (veral op grond van moontlike beperkinge in terme van erfenis regulasies), en nie in die afsienbare toekoms vir bedieningswerk gebruik kan word nie. Daarom het PO geadviseer dat die huidige fasiliteite van die gemeente te gelde gemaak word. Dit sal dan die gevolg hê dat die bedrag wat loskom afgesonder kan word vir die versorging van die emeritus leraar of vir toekomstige bedienings behoeftes. Uiteraard bestaan die risiko dat die eiendom nie vinnig verkoop nie, en in so 'n situasie sal alternatiewe opsies soos byvoorbeeld verhuring ondersoek moet word.

Omrede daar nie 'n verpligting op MR lidmate rus om by PO aan te sluit nie, is daar nog nie 'n aanduiding van hoeveel lidmate wel by PO sal inskakel nie. Die ontbinding van die GK Mooirivier sal wel 'n gaping in die bedieningsgebied laat, en die aspek sal tydens PO se Vlamvat proses aan die orde gestel word.

Die Kerkraad van PO het op 19 Augustus 2018 die inskakeling van die MR (na ontbinding) by PO aanvaar. Hierdie besluit is geneem met die verstandhouding dat:

- Beide kerkrade dit eens is dat die bates van MR onverwyld te gelde gemaak moet word en dat die gemeente se verpligte, insluitende uitstaande ramings, afgesluit word.
- Die kapitaalopbrengs uitsluitlik geoormerk word om die ontvangende gemeente in staat te stel om die emeritus leraar eervol te versorg. Sou omstandighede verander, kan die restant van die fondse aangewend word vir bedieningsbehoeftes.
- Dat 'n gesamentlike kommissie van die twee kerkrade aangewys word met 'n mandaat om die akte van ontbinding te finaliseer en die oorgangsproses te bestuur, met inbegrip van die uitklaring van regsaanspreeklikheid en die vasstelling van mandate, dat volmag aan individue oorgedra word om alle sake ordelik af te handel, en dat 'n klassis kontrakta byeengeroep word sodra alles in plek is.
- Dat beide gemeentes se lidmate ingelig word rakende die proses en dat 'n einddatum vir ontbinding duidelik gekommunikeer word.
- Dat na die vasstelling van 'n ontbindingsdatum, lidmate van MR uitgenooi word om met ontbinding met attestaat by PO aan te sluit.
- MR gaan voort met normale bedienings- aktiwiteite tot en met die ondertekening van die akte van ontbinding.

Ondertussen het MR begin met die bemarking van die eiendom.